



Torah écrite (pentateuque) - Exode

Chapter 27

- 27,1 ועשית את-המזבח, עצי שטים: חמש אמות ארך וחמש אמות רחב, כבוע יהיה המזבח, ושלוש אמות, קמתו.
 27,2 ועשית קרנתיו, על ארבע פנתיו--ממנו, תהיין קרנתיו; וצפית אתו, נחשת.
 27,3 ועשית סירתיו, לדשנו, ויעיו ומזרקתיו, ומזלגתיו ומחבתיו; לכל-כליו, תעשה נחשת.
 27,4 ועשית לו מכבד, מעשה רשת נחשת; ועשית על-הרשת, ארבע טבעת נחשת, על, ארבע קצותיו.
 27,5 ונתתה אתה, תחת כרכב המזבח--מלמטה; והיתה הרשת, עד חצי המזבח.
 27,6 ועשית בדים למזבח, בדי עצי שטים; וצפית אתם, נחשת.
 27,7 והבא את-בדיו, בטבעת; והיו הבדים, על-שתי צלעת המזבח--בשאת אתו.
 27,8 ובוב לחת, תעשה אתו: כאשר הרגה אתך בקר, כן יעשו. {ס}
 27,9 ועשית, את חצר המשכן--לפאת גב-תימנה קלעים לחצר שש משזר, מאה באמה ארך, לפאה, האחת.
 27,10 ועמדיו עשרים, ואדניהם עשרים נחשת; ווי העמדים מחשקים, כסף.
 27,11 וכן לפאת צפון בארך, קלעים מאה ארך; ועמדו עשרים, ואדניהם עשרים נחשת, ווי העמדים מחשקים, כסף.
 27,12 ורחב החצר לפאת-ים, קלעים חמשים אמה; עמדיהם עשרה, ואדניהם עשרה.
 27,13 ורחב החצר, לפאת קדמה מזרחה--חמשים אמה.
 27,14 וחמש עשרה אמה קלעים, לכתף; עמדיהם שלשה, ואדניהם שלשה.
 27,15 ולכתף, השנית--חמש עשרה, קלעים; עמדיהם שלשה, ואדניהם שלשה.
 27,16 ולשער החצר מסך עשרים אמה, תכלת וארגמן ותולעת שני ושש משזר--מעשה רקם; עמדיהם, ארבעה, ואדניהם, ארבעה.
 27,17 כל-עמודי החצר סביב מחשקים כסף, ווייהם כסף; ואדניהם, נחשת.
 27,18 ארך החצר מאה באמה ורחב חמשים בחמשים, וקמה חמש אמות--שש משזר; ואדניהם, נחשת.
 27,19 לכל כלי המשכן, בכל עבודתו, וכל-יתדתיו וכל-יתדת החצר, נחשת. {ס}
 27,20 ואמה תצוה את-בני ישראל, ויקחו אליך שמן זית זך כתיית--למאור: להעלת נר, תמיד.
 27,21 באהל מועד מחוץ לפרכת אשר על-העדת, יערך אתו אהרן ובניו מערב עד-בקר--לפני יהוה: חקת עולם לדרתם, מאת בני ישראל. {ס}